

1. Javna ustanova "Druga osnovna škola" Konjic, Musala br.17, 88 400 Konjic koju zasatupa Tinjak Munevera direktorica škole (u daljem tekstu: Ugovorni organ).
Tel.fax: 036/726-192, 036/735-708, Identifikacijski broj: 4227321960005.
2. "MAKSUMIĆ – KOMERC" d.o.o. Konjic, Maršala Tita do broja 27, Konjic, koga zastupa Maksumić Junuz, direktor (u daljem tekstu: Dobavljač).
Tel.Fax: 036/729-012, 036/729-012, Identifikacijski broj:4227250090004.
zaključili su sljedeći

Ugovor o javnoj nabavci roba – nabavka peleta "A" kvaliteta

PREDMET UGOVORA

Član 1.

Predmet ovog ugovora je nabavka roba – Nabavka peleta "A" kvaliteta s uključenim prevozom, koju će Dobavljač dobiti Ugovornom organu u skladu sa odredbama ovog Ugovora, ponudom Dobavljača broj: 36/24 od 9.4.2024. g., specifikacijom robe, dostavljenom po Direktnom zahtjevu za dostavu ponude protokolisanom pod brojem: 625/24 od 15.4.2024. godine, a koji čine sastavni dio ovog Ugovora.

CIJENA

Član 2.

Ukupna vrijednost ovog Ugovora, prema specificiranim količinama i ugovorenim jediničnim cijenama iznosi:

Cijena bez PDV-a 5.999,50 KM

(slovima: pethiljadadevetstotinadevedesetdevet i 50/100 KM)

PDV 17% 1.019,92 KM

Ukupna cijena sa PDV-om 7.019,42 KM

(slovima: sedamhiljadadevetnaest i 42/100 KM).

USLOVI I NAČIN PLAĆANJA

Član 3.

Plaćanje će se vršiti u roku od 15 (petnaest) dana od dana zaprimanja računa za stvarno isporučenu robu. Plaćanje se obavlja na žiro račun Dobavljača. Plaćanje se vrši po dospjeću na transakcijski račun Ponuđača broj: 1415065320004149 otvoren kod BBI banke. Ugovorni organ ne prihvata avansno plaćanje i traženje sredstava osiguranja plaćanja. Dobavljač je dužan izdati fakturu u skladu s odredbama pozitivnih propisa iz oblasti poreza, u suprotnom ista neće biti plaćena i biće vraćena Dobavljaču na usklađivanje. Uslovi plaćanja i drugi uslovi koje Dobavljač jednostrano unese u fakturu ne obavezuju Ugovorni organ ni onda kada je fakturu primio, a nije joj prigovorio.

ROK I MJESTO ISPORUKE

Član 4.

Rok isporuke ugovorene količine robe vršit će se u roku od petnaest (15) dana od obostranog potpisivanja ugovora. Mjesto isporuke robe je Javna ustanova „Druga osnovna škola“ Konjic, ulica Musala br. 17 88400 Konjic.

Ugovorni organ se obavezuje obaviti sve radnje koje se od njega razumno očekuju da bi se omogućilo Dobavljaču da izvrši isporuku robe.

Do isporuke robe Ugovornom organu rizik slučajne propasti ili oštećenja robe snosi Dobavljač, a s isporukom robe rizik prelazi na Ugovorni organ. Rizik ne prelazi na Ugovorni organ ako je isti zbog nekog nedostatka isporučene robe raskinuo Ugovor ili tražio zamjenu robe.

Dobavljač je dužan da o svom trošku ugovorenu robu osigura od uobičajnih rizika.

Dobavljač vrši osiguranje od momenta prelaska rizika u skladu s ovim Ugovorom.

Roba koja je predmet ovog Ugovora i koju će Dobavljač isporučivati Ugovornom organu prema ovom ugovoru biće upakovana u originalnoj i neotvorenoj ambalaži od originalnog proizvođača uz označavanje pakovanja na propisan način.

Dobavljač će upakovati robu tako da može izdržati transport, manipulaciju i eventualno skladište u razumnom vremenskom roku. Ambalaža/pakovanje mora imati takva svojstva koja posebno obezbjeđuju zaštitu od vlage.

ODGOVORNOST ZA MATERIJALE I PRAVNE NEDOSTATKE

Član 5.

Dobavljač odgovara za materijalne nedostatke robe koju je ona imala u času prelaska rizika na Ugovorni organ, bez obzira na to je li mu bilo poznato. Dobavljač odgovara i za one materijalne nedostatke koji se pojave nakon prelaska rizika na Ugovorni organ ako su posljedica uzroka koji je postojao prije toga. Neznatan materijalni nedostatak ne uzima se u obzir. Šta se podrazumijeva pod neznatnim materijalnim nedostatkom zajednički utvrđuju i Dobavljač i Ugovorni organ. U obavijesti o nedostatku Ugovorni organ dužan je detaljno opisati nedostatak i pozvati Dobavljača da pregleda robu. Ako obavijest o nedostatku koji je Ugovorni organ blagovremeno poslao Dobavljaču preporučenom poštom, telefaksom, ili na neki drugi pouzdan način zakasni ili uopšte ne stigne do Dobavljača, smatra se da je Ugovorni organ izvršio svoju obavezu da obavijesti dobavljača. Nedostatak postoji i ako isporučena roba nema svojstva koja su izričito određena specifikacijom i ovim Ugovorom.

Dobavljač odgovara da na isporučenoj robi postoji neko pravo trećeg lica koje isključuje, umanjuje ili ograničava pravo Ugovornog organa, a u kojem pravu Ugovorni organ nije bio obaviješten, niti je pristao da preuzme robu opterećenu tim pravom. Ukoliko se pokaže da treća osoba polaže neko pravo na ugovorenu robu, Ugovorni organ je dužan obavijestiti Dobavljača o tome i pozvati ga da u razumnom roku oslobodi robu prava ili pretenzija trećeg lica ili da mu isporuči drugu robu bez pravnog nedostatka. Ako Dobavljač ne postupi po zahtjevu Ugovornog organa, Ugovor se raskida.

UGOVORNA KAZNA

Član 6.

U slučaju kašnjenja u isporuci do koje je došlo krivicom odabranog ponuđača, isti će platiti ugovornu kaznu u skladu sa Zakonom o obligacionim odnosima u iznosu od 0,3% naručene robe za svaki dan kašnjenja do urednog ispunjenja, s tim da ukupan iznos ugovorene kazne ne može prijeći 5% od ukupno ugovorene vrijednosti robe koja je predmet narudžbe.

Odabrani ponuđač je dužan platiti ugovorenu kaznu u roku od 7 (sedam) dana od dana prijema zahtjeva za plaćanje od ugovornog organa.

Ugovorni organ neće naplatiti ugovornu kaznu ukoliko je do kašnjenja došlo usljed više sile. Pod višom silom se podrazumijeva slučaj kada ispunjenje obaveze postane nemoguće zbog vanrednih vanjskih događaja na koje izabrani ponuđač nije mogao uticati niti ih predvidjeti.

VIŠA SILA

Član 7.

Ako slučaj više sile koja potpuno ili djelomočno spriječi trajno ili privremeno izvršenje obaveza po iznosu ovog Ugovora, Ugovorna strana koja se poziva na taj slučaj obavezna je u roku od 3 (tri) dana od dana nastanka više sile o tome obavijestiti drugu Ugovornu stranu na način koji je u datoj situaciji moguć.

Pod višom silom u smislu predhodnog stava podrazumijevaju se događaji okolnosti koje nisu postojali u vrijeme potpisivanja ovog Ugovora, koji su nastali mimo volje i moći Ugovorne strane, čije se nastupanje nije moglo predvidjeti i čije se posljedice nisu mogle izbjeći ili otkloniti mjerama i sredstvima koja se mogu u konkretnoj situaciji opravdano tražiti i očekivati od strane koja je pogođena višom silom. Za vrijeme trajanja više sile obaveze ugovornih strana po ovom Ugovoru miruju, ne primjenjuju se odredbe o ugovornoj kazni, s tim da se rok izvršenja obaveza ugovornih strana produžava za period koji odgovara trajanju slučaja više sile.

RJEŠAVANJE SPOROVA

Član 8.

Sve eventualne sporove i nesporazume koji bi mogli nastati iz ovog Ugovora, Ugovorne strane će nastojati riješiti usaglašavanjem, posredovanjem ili na drugi način u duhu uzajamnog povjerenja i dobrih poslovnih običaja. Ako u postupku rješavanja spora ne dođe do rješenja, nadležan je Općinski sud u Konjicu.

STUPANJE NA SNAGU I TRAJANJE UGOVORA

Član 9.

Ovaj Ugovor stupa na snagu danom obostranog potpisivanja od strane ovlaštenih lica ugovornih strana, a primjenjuje se do konačne realizacije nabavke radi koje je zaključen.

Član 10.

Dobavljač nema pravo, u svrhu izvršenja ovog Ugovora, zapošljavati fizička i pravna lica koja su sudjelovala u pripremi tenderske dokumentacije u postupku koji je prethodio ovom Ugovoru, najmanje 6 (šest) mjeseci po zaključenju ovog ugovora.

Član 11.

Na sva pitanja koja nisu regulisana ovim Ugovorom primjenjuju se odredbe važećih zakonskih i podzakonskih propisa, prije svega Zakona o obligacionim odnosima.

Član 12.

Ovaj Ugovor sastavljen je u 4 (četiri) istovjetna primjerka, od kojih po dva primjerka Ugovora pripadaju Ugovornom organu i Dobavljaču.

Za Ugovorni organ:
Direktorica Škole

Munevera Tinjak

Broj: 629/24
Datum: 16.4.2024. g.

Za Dobavljača:
Direktor

Broj:
Datum: